

特約撰述 香港新界風土名勝大觀 江山故人

(三二二)

(禁止轉載)

第三章 南部寫真

(十三) 奇龍頭

烈女姓氏既詳。其事亦不可稽考。本屬可有可無者。惟新安縣官員既為之葬。又為之立碑。此專當可置信者。無非以貞烈之女。而勵末俗。用正民風。意至善也。新安縣忠孝貞烈之墓。可攷者。有大埔墟之鄧孝子墓。見新安志及廣府志。又有雙烈墓。古今圖傳與成廣州府部稱。一雙烈墓。游梁二氏屬賊而死。鄉保為之立石。在埔頭石鼓墩。今日之南頭城。節婦坊亦有三數。

封疆遺蹟。迄今猶存。此墓僻處海隅。又未旌表。故不詳於縣志也。然在此墓葬中。碑誌立。遊者偶讀墓誌。見舊時新安官吏之題名。於憑弔烈女之餘。與今昔之感矣。錦田有鄧氏志士祠。奇龍頭有烈女墓。新界忠烈之遺蹟。以此而已。天后宮右鄰之貞烈祠。即後人為此貞女而設。內奉此女之神位。顏曰。一皇清待旌貞節烈女之神位。朝夕香火。該處俗侶管理之也。此村居民多業農。田畝皆在村之西。其地名曰田底。亦有出海捕魚者。

二三漁艇。泊於白沙灣。風光之趣。略似汀九。村前有福利雜貨店。為全村僅有之商市。此村治安。乃荃灣警署所負責者。設有太平電話。於必要時。報知警署。援者立至。故該村之治安。可無虞也。

(十四) 城門谷

新界山谷。其大者。有沙田。林村。碗窰。城門四處。除城門谷無村落。皆女。餘皆屬大村。城門昔有數小村落。居者為鄭楊等姓。今鄭氏已遷居八鄉之金錢村矣。城門之名。亦數見於新安志也。其地極廣袤。佔有

大帽山。草山。針山。石梨山之麓。縱橫四五英方。居城門河之上游。水利最饒。地面高下不一。約在水平線上七百餘英尺。至千餘英尺之間。峭壁斜坡。隨處可見。山凹則有鉛鐵凹。高一千三百餘英尺。通碗窰洞而出大埔墟。波羅凹。高千餘英尺。通葵涌及荃灣。城門凹。高七百餘英尺。通大埔路而往沙田。此三山凹。乃城門谷與外處交通之要隘也。此谷環繞皆大山。實居新界大陸中部而偏於南。西南去荃灣兩英里。東南去沙田三英里耳。

(未完)

特約撰述

香港新界風土名勝大觀 江山故人

(二) (禁止轉載)
(四)

第三章 南部寫真

城門谷

城門河發源於大帽山東北。其河源高約二千五百英尺。流經巖草間。初甚峻峭。至東龍陣。向東南行。遂入城門谷境界。及抵草山西南麓。支流甚多。其自鉛鑛凹來者。長一英里餘。岩於兩山之間。旁流紛注。與本河會合之處。水量乃增。復南流。經針山之西麓。東南折而繞石梨山之東北。至是。始出城門谷之境界。由河源至此。長四英里。在針山與石梨山之間者。河畔巖石至

多。峭壁尤成。此段約在水平線四百英尺以上。河水之深廣。亦為全河之最。城門峭壁。固新界著名風景之一也。自此東行。經香粉寮。白田。大圍。田心等地而入潮水灣。長凡十英里。為新界第二河流。香港政府為九龍與港島居民食水起見。乃利用城門谷之城門河流。建築一規模最宏之水塘。擬定名曰英皇銀禧紀念水塘。全部工程計劃。分為三步。第一步約經始於一九二七年。至一九二九年完成。至一九三一年。第二步計劃開始。迄今全

部工程將次告竣。所有城門河上游之水源。設法將之貯蓄。又於針山之西與石梨山之西北腰。建築導水渠各一。在石梨山之西北腰者較長。可一英里。暗渠全部作圓形。直徑十英尺。首尾二孔相望。大如半角銀幣。至於橫渡海底之水管。一九二九年。已建有一條。乃由石梨背水塘輸送港島者。城門貯水塘之一條。亦於一九三五年安置完竣。港方以皇后碼頭為終點。其安置海底水喉之法。先建一隧道。隧道用三合土築成。每三百英尺一段。

共有五十七段。長五千七百英尺。水喉則用樹膠封固之。置於隧道中。預算每日能輸送水量三百五十萬加倫至四百五十萬加倫。故將來香港食水。可毋虞缺乏也。又該水喉直徑約十八英寸。喉身厚一英寸之四份一。合外層計之。則為半英寸。而所用水喉乃威美士公司本港支店所製者。建築工作乃由尼打倫海面工作公司担任云。此喉與石梨背水塘所置者相距僅六英尺。則今日橫渡港海之水喉。已有兩條矣。

(未完)

特約撰述 香港新界風土名勝大觀 江山故人

(五二二) (禁止轉載)

第三章 南部寫真

城門谷

該水塘蓄水與引流之區域至廣。凡城門谷一帶河流。無不兼收並蓄也。據一九二五年商務印書館版 F.C.H. VRIEY 所著 PICTURESQUE HONGKONG 一書。圖繪該水塘蓄水引流之區域甚顯。計由大帽山南之老圍村起。西行。經川龍。一帽山嶺之北。鉛鑛凹。草山之北至東南。針山之東。沙田之西。城門凹。石梨山之東至西北。波羅凹。禾羅峽而止於老圍。凡一大圍。頗似我國之版圖。其東西相距約五英里

半。南北相距約四英里。面積約在二十英里之下。又據民國廿四年十月十三日港報所載。關於本港水務方面。所誌甚詳。有曰。一城門河。據紀錄者之估計。謂一九三四年共流水四十六萬六千五百一十九萬加倫。一九三三年則為二十八萬八千三百四十萬加倫。內有一萬萬二千二百七十二萬加倫。乃取自針山之水道者。一九三四年有二十萬萬加倫。乃取自城門村經過水道。而流入接水及貯水塘內者。但此項水源。絕不能用作飲料。故讓其流去。是可知該水塘將來之

貯水量。殊足驚人者。至若工程之浩繁。更爲人所注意。遠近來參觀者甚多。最近廣州市建設廳長何啓澄亦嘗偕工務專員到遊。巡視各項工程。藉資觀摩。堤壩一項。建築尤偉。高數百英尺。廣約一百英尺。皆用三合土築成。極爲堅固。比之大潭瀉水塘所有者。更爲偉大。所有工程師。皆爲專門人材。聘自英國。每人月薪有多至三四千元者。又於水塘附近。建屋以居之。屋之形式。有如英國田莊。白牆紅瓦。備園地及車房。待遇甚優也。至於泥工及其他工人。自

上海。馬燕。客籍三種。共千餘人。所居爲木屋。極簡陋。與工程師者相較。判若天壤。而此等工人。生活甚苦。狂風暴雨。或當烈日之下。胼手胝足。在所不辭。每日所得。由七八角至元餘。該處又設茶室餐室各一。以便工人小憩。茶室曰城門茶室。兼售粉麵。並有小酌。其側有山徑可達葵涌。步行四十分鐘耳。工人恆由此步往油蔴地深水埗等處購物。歸時三五成羣。行於青山道上。雖在夜候八九時。亦有踽踽獨行者。歸途則取荃灣往城門谷之路也。(未完)

特約撰述 香港新界風土名勝大觀 江山故人

(六二二)

(禁止轉載)

第二章 南部寫真

城門谷

環繞諸山 此谷之週

羣山聳峙。勢如雲合。其著者有大帽山。深凹山。馬子嶺。石梨山。針山。草山等。除大帽山已詳荃灣一節外。餘則擇其要者述之如次。

石梨山 在城門谷之南

高一一〇一英尺。英名Older Hill 故有譯作金山者

其名石梨山者。乃土名也。

又有石梨頭與石梨背之稱。

山勢屏列。自南而北。可三英里。盤踞至廣。邱陵亦多。南

至荔枝角及九華徑。北達城門河。與針山相望。其北又

有馬子嶺及深凹山。亦為該山支脈。馬子嶺高一〇三英尺。英名Sunners Ridge。

故又有譯作走私山者。其

東南有山峽曰走私凹者。即

城門凹也。山之西。涌流

至多。而上下葵涌在焉。其

東有石梨背水塘及九龍水塘

。石梨背水塘側。原有石梨背

村。以開闢水塘之關係。村

人已徙矣。此兩塘之南。亦

有九龍瀝水塘。三塘相距

不遠。其側為大埔路。蓋此

處實居石梨山與大連澳山之

間。長林環道。塘靜如湖。

風景絕幽也。

針山 亦名尖山。在城門

谷之東南。高一七四一英尺。

其北與草山相接。西南二麓

。城門河繞之。東南麓有沙

田之香粉寮天體運動場及白

田村。山勢至為崇峻。正峯

尤尖峭。故名尖山。新界諸

山。僅將軍澳灣之漁翁山與

其相似耳。其西南山腰。產鵝

頗盛。現有人在此開採。鵝有

鑽穴凡十餘處。鑽穴之下。

即為城門谷水塘建築堤壩之

所在。金山涌流不多。林木

叢集於東南二麓。近巔處野

草盈盈。本港園林官時或採

之。此山形勢如是尖峭。旅

行者喜登其絕頂。一擡幽

勝。登峯之路有三。一自城

門谷水塘側。一自香粉寮。

一自白田村。而以發自白田

村者為最佳。計由沙田大埔

路往白田村而取徑登峯。需

時一小時半。登山徑多紆迴

曲折。跋涉需時也。及抵其

巔。巔所立處。形勢甚險。恍

若登馬鞍山之絕頂者然。此

其所以為佳也。

草山 在城門谷之東北

高二二四四英尺。其西與大

帽山相接處有鉛鑽凹。東北

有大埔凹。北去一英里則為

碗窰洞。山脉南走。成一長

嶺。至針山之北乃止。於此

有徑發自城門谷者。沿山嶺

之脊行。可至絕頂。需時兩

小時許。惟登峯之捷徑。則

發自鉛鑽凹也。(未完)